

圓覺經略之鈔卷第三

治八

圭峯蘭若沙門宗寂於大鈔略出

疏我佛下二明教二總敘教起因緣二明佛悲  
念我佛證此者此謂前不思議融通法也佛證此  
法得無上安樂

無上菩提覺法樂  
無上涅槃滅樂

愍一切衆生皆有此

安樂之法而乃迷之橫受虛妄之苦故賢首云真  
樂本有失而不知妄苦本空得而不覺故十地論  
云佛成道七日未說法者顯示自樂大法樂故復  
捨如是妙樂悲愍衆生為說故知諸佛證唯證  
此說唯說此故法華云佛自住大乘如其所得

法定慧力莊嚴以此度衆生自證無上道大乘平等法若以小乘化乃至於一人我即憚懼貪此事爲不可疏再歎奇哉者即華嚴出現品云佛子無一衆生而不具有如來智慧但以妄想顛倒執著而不證得

凡夫妄想權小  
頓倒通二若離妄

想一切智自然智無礙智則得現前便舉一  
塵含大千經卷之喻後合云如來智慧亦復如是具足在於衆生身中但諸凡愚不知不覺不得利益爾時如來普觀一切衆生而作是言奇哉奇哉故云此諸衆生云何具有如

來智慧迷惑不見我當教以聖道令其永離妄想自於身中得見如來廣大智慧與佛無異疏三思大事者三思之言有其二意一者十地經是佛初成道第二七日說故論判云時勝謂成道第二七日說故問初七何故不說

行子聞之曰再斯可矣注云文子忠而有質行其舉事寡過不必乃三思也今借此語以對上再歎之言也二者法華經云我始坐道場觀樹亦經行於三七日中思惟如是事本云三思者三即三七我所得智慧微妙最第一即大事也後當具引本文是十地論中思惟因

論次初七思唯因行能說緣所化答曰機行故欲將妙法以逗物釋曰十地論但云思惟今云三思者外有文而內有義有義者夫思惟忖度審諦必畱覆再三以為後軌如三請三禮之類也外有文者即論語云季文子三思而後

行衆生諸根鈍著樂癡所盲如斯之等類云何而可度此十地論中思惟緣行也故下云樂癡所盲悟有易難今此但是難者正由著故難悟也疏言大事者經云諸佛世尊唯爲一大事因緣所謂欲令衆生開佛知見使得清淨故出現於世等義如下釋疏既全下二

叙佛化儀三一明利濟心等既者已也是躡前證此之言也謂前云證此又云三思等已是摧魔軍全十力訖今爲欲顯演教度人儀式故却牒起成道之相故云摧魔等也全者簡菩薩十力智度論說菩薩亦有十力故今

云全十力即佛智也諸論皆云十力華嚴梵行品文乃名智也然如來唯一諸法實相智力此力有十種用故說爲十名力者能摧怨敵故不可屈伏故其十種別義在下佛答普眼文中十力章廣釋疏能摧等者本行經

說悉達太子向菩提樹下心念欲度波旬放光照三千界波旬自然聞偈聲說太子欲證大明空汝境界魔領無量徒衆詣菩提樹變現種種可怖畏相太子唯思念法心不擾亂云乃至魔退諸天讚喜即於其夜成阿耨菩提

提言樹下者菩提樹下也今却以十力在降魔前者但取文便非謂成道在降魔之前疏爰起四心者爰是發語之辭爾雅云爰曰也起謂發起四心者謂慈悲喜捨四無量心也菩薩從初乃至成道常運此四種心教化衆生

謂慈能與樂悲能拔苦喜謂慶彼得樂捨謂怨親平等此四種心各具三緣二者法緣緣五蘊差別之相  
三者無緣不住上二相也一者生緣緣一切衆生相皆廣大無量故

云四無量心疏寶藏者涅槃第七因說常樂我淨迦葉菩薩問云世尊二十五有有我不

也佛言善男子我者即是如來藏義一切衆生悉有佛性即是我義如是我義從本已來常為無量煩惱所覆是故衆生不能得見善男子如貧女人舍內多有真金之藏家人大小無有知者時有異人善知方便語貧女人曰云云乃至是

人既於其家掘得真金之藏女人見已心生歡喜奇特想宗仰是人善男子衆生佛性亦復如是一切衆生不能得見如彼寶藏貧人不知善男子我今普示一切衆生所有佛性爲諸煩惱之所覆蔽如彼貧人有真金藏

不能得見如來今日普示一切衆生諸覺寶藏所謂佛性而諸衆生見是事已心生歡喜歸仰如來第十八又云善男子大涅槃經悉是一切諸佛祕藏何以故諸佛雖有十一部經不說佛性不說如來常樂我淨諸佛世尊

不畢竟涅槃是故此經名爲如來祕密之藏  
十一部經所不說故故名爲藏如人七寶不出外用名之爲藏又如來藏經有九種喻諸  
如來智慧隱在衆生身名如來藏今疏引者  
第五喻也經云譬如貧家有珍寶藏寶不能

四

言我在於此既不自知又無語者不能開發  
此珍寶藏一切衆生亦復如是如來知見大  
法寶藏在其身內不聞不知耽著五欲輪轉  
生死受苦無量是故諸佛出興於世爲開身  
內如來法藏九喻之中義意并餘八喻文義

並如下文殊章廣釋然彼經末總校量功德  
云供養過去恒沙佛乃至造恒沙七寶臺高  
十由旬日日如是乃至五十恒沙七寶臺供  
養恒沙如來不如有人云百分不及其一云  
乃至譬喻所不能及凡夫身中佛難信乃至譬喻所不能及凡夫身中佛難信疏然

迷下二明隨器頭漸迷頭捨父二喻皆喻衆  
生迷失本性謂爲本無故輪迴生死此是佛  
所化之機也於中復有二類故舉兩喻言迷  
頭者佛頂經第四云富樓那言敢問如來一  
切衆生何因有妄自蔽妙明受此淪溺佛告

富樓那汝雖除疑餘惑未盡吾以世間現前諸事今復問汝汝豈不聞室羅城中演若達多忽於晨朝以鏡照面受鏡中頭眉目可見。瞋責已頭不見面目以爲魑魅無狀狂走於意云何此人何因無故狂走富樓那言是人

波

五

心狂更無他故佛言妙覺明圓本圓明妙既稱爲妄云何有因若有所因云何名妄自諸妄想展轉相因從迷積迷以歷塵劫雖佛發明猶不能返如是迷因因迷自有識迷無因妄無所依尚無有生欲何爲滅得菩提者如

宿時人說夢中事心縱精明欲何因緣取夢中物況復無因本無所有如彼城中演若達多豈有因緣自怖頭走忽然狂歇頭非外得縱未歇狂亦何遺失富樓那妄性如是因何爲在汝但不隨分別世間業果衆生三種相續三緣斷故三因不生則汝心中演若達多狂性自歇歇即菩提勝淨明心本周法界不從人得何藉劬勞肯綮修證言捨父者法華信解品須菩提等四人聞方便品及譬喻品未曾有法以喻領解今取意撮大意云如人年

續三緣斷故三因不生則汝心中演若達多狂性自歇歇即菩提勝淨明心本周法界不從人得何藉劬勞肯綮修證言捨父者法華信解品須菩提等四人聞方便品及譬喻品未曾有法以喻領解今取意撮大意云如人年

小捨父逝。父住他國至五十歲年既長大  
加復窮困。馳騁四方以求衣食。漸漸遊行遇  
向本國其父先來求子不得中止。一城其家  
大富財寶無量。窮子傭僕展轉遇到父舍住  
立門側遙見其父踞師子牀寶機承足諸婆

羅門刹利居士恭敬圍遠以真珠瓔珞價直  
千萬莊嚴其身吏民僮僕手執白拂侍衛左  
右窮子恐怖悔來至此。竊作是念。疑是國王  
大臣恐逼驅使疾走而去。長者遙識心喜。念  
言財有所付遣人往捉。窮子稱怨自念無罪。

而被囚執。父知彼下劣方便遣憔悴人徐語  
言此有作處。倍與汝直。雇汝除糞。父著羸弊  
衣執除糞器語言勤作勿復餘去。我如汝父  
如所生子呼之爲兒。窮子雖喜猶謂作人故  
二十年中常令除糞。後相體信出入無難然

後

六

其所止猶在本處。父疾臨終。命子集會親屬  
王臣付與財寶後法合云世尊大富長者即  
是如來我等皆是佛子云我等於生死中受  
諸熱惱迷惑無知樂著小法今日世尊令我  
思惟蠲除諸法戇論之糞得至涅槃一日之

價心喜爲足便謂弘多佛便縱捨不爲分別汝等當有如來知見寶藏之分世尊以方便說如來智慧我等從佛得小涅槃以爲大得於此大乘無有至求又因如來智慧爲諸菩薩開演大乘而自於此無有志願所以者何

佛知我等心樂小法以方便力隨我等說而我等不知真是佛子今我方知世尊於佛知慧無所惜若我樂大佛則爲我說大乘法於此經中唯說一乘是故我等說本無心有所希求今法王大寶忽然而至踊悟有易難

者迷頭者如狂心歇歇即菩提此爲易也捨父者二十年中除糞猶在本處不肯早信是長者子故爲難也疏故仙苑等者由前根有易悟難悟之殊故佛說頓教漸教之異也仙苑鹿也苑野是古昔仙人所住處故普曜經

云佛成道訖第六七日於波羅柰國仙人鹿苑度阿若憍陳如佛唱善來苾芻便發戒品付法藏經云佛住波羅柰鹿野苑中古仙住處爲五比丘初轉法輪覺場者菩提場也梵語菩提唐言覺今取唐言故云覺場場者證

七八

覺之處即天地之中摩竭提國王舍城西二百里菩提樹下金剛座上若約法則萬行皆是道場理智相會之處故爲表所說如證故不移其處而說頓教頓教最初即華嚴也經云如是我聞一時佛在摩竭提國阿蘭若法菩

提場中始成正覺乃至有十佛世界微塵數菩薩摩阿薩所共圍遶跡教興頓漸者對上易悟之機即菩提場初成正覺不移其處便興頓教頓教之首便是華嚴自後乃至滅度中間每遇上根即頓說真性時處不同皆名

頓教有數十部又對上難悟之機故三七日後往波羅柰仙人住處而興漸教漸教之首即是五比丘所聞四諦法輪中間三時五時漸次而說處所各別終至法華涅槃皆名漸教三乘權實部類尤多今但指二處者各論

根源最初起者疏漸設下三明頓漸之相五時異者佛初成道三七日恩惟已便往仙苑及諸住處十二年之間說諸有爲法緣生無我然猶未說法無我理名初時有教即阿含等一藏小乘經是第二時中依偏計所執說諸

法空然於依他圓成猶未說有名爲空教即諸部般若經是第三時中說法相大乘境空心有名中道教即深密等經是第四時中開示一切衆生如來知見會三乘爲一乘會權入實名同歸教即法華經是第五時中臨入

後

八

涅槃說一切衆生乃至闍提皆有佛性凡是  
有心定當作佛常樂我淨名常住教即大般  
涅槃經是從始至終成就一類之機故總名  
爲漸教疏空有迷彰者迭遞也謂約我法心  
境真俗或先後或同時遞互相對彰顯諸法

空有之義也且初心境有兩對空有謂第一  
時教心境俱有第二時教心境俱空上二後遞互  
第三時教境空心有同時約真俗者自有四  
句謂第二時教俗有真空四五時教俗空破  
問常樂  
我淨故真有顯出此常等故故羅云空  
者坐死不空者涅槃也 第三時教  
四重二諦前後相望互爲空有若二三  
時教相望第二時真俗俱空第三時真俗俱  
有約我法者亦有四句謂第一時教初人天  
乘我法俱有中間大乘我法俱空次初小乘  
我空法有最後涅槃我有法空破經破小乘  
無我願說真

我上來總有十對空有皆約法約時遞互隱顯故云迭彰此下雖更說空有相對者亦不周敘之若約諸教說空說有判深淺者如說諸外境取第一第二時教相望一有二空空深有淺若說依他緣起心心所法自有兩對謂二三時教相

後

九

望二空三有空淺有深三與四五相望初有後空空深有淺若說我者初後相望初空後有空淺有深餘之空有深淺皆例此知由此諸教或破有讚空或毀空讚有不得此意難解聖言疏頓無二諦等者顯中道第一義諦

雙即下句幽靈絕待是也然非真非復有二意一互奪故謂俗即真故俗泯真即俗故真亡故華嚴經云無中無有二無二亦復無三

世一切空是則諸佛法二顯體故謂言其非真者所謂非是真非謂是非真非俗亦爾既

第一義諦有二釋一雙融明中即真俗相即而不二便爲第一義也故仁王云於諦常自二俗於解常自一真即俗俗即真通達此無二真入第一義故昔人云二諦並非雙恒乖未曾各二雙泯顯中謂非真非俗但是心靈故天台云雙照

非彼二但是靈明自體幽微玄妙不可思議故云幽靈絕待若要廣說即檢玄談第三門辨法性對破相宗五義差別中鏡影等喻及絕待靈心觀中義理叙之又雙泯者但泯對俗之真不泯真體亦得名爲非二諦而絕待

故古人云一雙孤鴈掠地高飛兩箇鴛鴦池邊獨立跡今此下二別敘此經旨趣三一標宗然一藏經既不出頓漸二教今應各指其類漸者始自鹿苑終於鶴林三時五時從初至終漸引一類學者於中法華涅槃會權歸

實是大乘漸教中終極之教也頓者有二一化儀頓謂華嚴經初成佛時稱性一時頓說理事本末始終因果窮理盡性故二逐機頓謂對上根具足凡夫頓指絕待中道真性不同法華涅槃之類有三可破有權可會但顯一真覺性即勝變密嚴金剛三昧如來藏普光明藏圓覺等四十餘部文中皆少說事緣直詮真性理智良由無三車除糞化城等由緣可會也故指此經是頓之流類也此是逐機顯體之頓非化儀之頓矣既非漸次之教

故不屬三時五時疏故如來下二正叙三一  
敘序分言寂光土者天台大師立四土一凡  
聖同居土自他土亦變化二方便有餘土三實報無  
障礙土受用土四常寂光土法性土方便一土法  
相所無天台依智度論及法華經立彼論九

十五云阿羅漢先世因緣所受身必應當滅  
住於何處成就佛道答有淨佛土出三界外  
乃無煩惱之名於是國土佛所聞法具足佛  
道如法華經說我於餘國等今經云入於神  
通大光明歲三昧正受乃至不二隨順故是

寂光土也疏凡聖一源者文云一切如來光  
嚴住持佛佛同此故當法性土亦即自受用土以此宗理智不分故又云  
是諸衆生清淨覺地疏現受用身者他受用  
也經云於不二境現諸淨土疏主伴同會者  
經文列菩薩衆已結云與諸眷屬皆入三昧

同住如來平等法會義皆在疏下之文也疏曼殊下二  
叙正宗二一信解真正曼殊者即文殊之正  
梵語也其名德之義如下疏釋疏大士者是  
法身之大士故疏創問本起之因者創是最  
初之義此有二創一諸菩薩未問文殊先問

此前未有人問故云創二所問之事是佛法地位中最初要解之法也此法之前更無佛法因果之義可爲初起之要故蹠本起者本因所起最初之心也餘義檢下蹠引起信了二覺發三心修五行及華嚴善財大集法行

等處而說蹠薄伽者佛地經云如是我聞一時薄伽梵論曰薄伽梵者謂薄伽聲依六義轉一自在義二熾盛義三端嚴義四名稱義五吉祥義六尊貴義如有頌曰自在熾盛與端嚴名稱吉祥及尊貴如是六種義差別應

知總名薄伽梵如是一切如來具有於一切種智皆不相離是故如來名薄伽梵其義云何謂諸如來永不繫屬諸煩惱故具自在義炎猛智火所燒煉故具熾盛義妙三十二大相等所莊飾故具端嚴義一切殊勝功德圓滿無不知故具名稱義一切世間親近供養咸稱讚故具吉祥義具一切功德常起方便利益安樂一切有情無懈廢故具尊貴義至尊者至極之尊也且兆人臣於國王國王臣於上帝上帝即天帝也諸天奉佛三乘賢

聖亦事於佛佛是衆聖之尊如衆星月爲最  
衆流海爲最衆聖佛爲最故云至尊也疏首  
提者初舉也究竟果者經正答中初標舉云  
善男子無上法王有大陀羅尼門名爲圓覺  
流出一切清淨真如菩提涅槃及波羅密教

火

土

授菩薩此所標圓覺者大位在果體通染淨  
故此約無上法王有之下云無始幻無明皆  
從中建立若論中一心即大位在因亦通染  
淨故標云衆生心釋之具覺不覺二義所言  
究竟者即論中始覺合本覺始本不二名究

竟也疏照斯真體者經云一切如來本起因  
地牒前問目皆依圓照能照智也清淨覺相所照真體永斷  
無明方成佛道兼標下滅夢形之義以成本因疏滅彼夢形  
者經云云何無明善男子一切衆生從無始  
來云乃至此無明者非實有體如夢中人夢

時非無及至於醒了無所得夢形者除無明滅於無明合前照也今約喻以願真成本起因疏知無我人誰受輪轉者  
經云修圓覺者知是空華即無輪轉亦無身  
心受彼生死非作故無非作觀破之方無也本性無故  
生死自性本來無故疏種種下二依解修證三一通明

觀行上根修證三一觀成同佛種種幻化等  
者答普賢所徵以成修於觀行用心之本也  
謂普賢問云修大乘者聞此圓覺云何修行  
約當起根若彼衆生知如幻者身心亦幻云何  
以幻還修於幻幻修問若諸幻性一切盡滅

則無有心誰爲修行斷滅誰修問若本不  
修行令妄想心云何解脫行相違也佛答云一切  
衆生種種幻化皆生如來圓覺妙心猶如空  
華從空而有標爲義木跡幻盡覺圓者此含兩重  
之意初即普賢章用心義理後即普眼章觸

境長時用心正成觀行且初意者經云幻華  
雖滅空性不壞衆生幻心還依幻滅諸幻盡  
滅覺心不動依幻說覺亦名爲幻若說有覺  
猶未離幻說無覺者亦復如是乃至知幻即  
離不作方便離幻即覺亦無漸次如此展博  
不離方名

幻盡後約正修中釋者普眼章中佛說新學  
菩薩及末世衆生欲求如來淨圓覺心應當  
正念遠離諸幻先依如來奢摩他行堅持禁  
戒安處徒衆宴坐靜室恒念此身四大假合  
各離根塵緣相假名爲心畢竟無有幻身幻

心幻塵乃至幻滅亦滅此是疏中幻盡二字也幻滅滅故非幻不滅譬如磨鏡垢盡明現又如摩尼等此是疏中覺圓也疏心通法徧者經云此菩薩及末世衆生證得諸幻滅影像故爾時使得無方清淨無邊虛空覺所顯

發覺圓明故顯心清淨心清淨故見塵清淨乃至一身多身一界多界一切清淨皆是心通也言法徧者經云善男子虛空如是平等不動當知覺性平等不動八萬四千善男子覺性徧滿清淨不

動圓無際故當知六根徧滿法界陀羅尼門徧滿法界乃至始知衆生本來成佛此是法徧二字也

心即覺心無可徧故但以諸法現時依心而現心塵故諸法似有自體分限心通徧即無所徧也

然衆生成佛文是此門疏今刀取意

於後通難門中述之便當牒起問目也詳之

可見

圓覺經畧疏之鈔卷第三

永樂北藏

圓覺經略疏之鈔

第一八七冊